

Powšitkowne WOZJEWJENJA

njedźelu, 26. awgusta 2012

Duchowna hudźba w tachantskej cyrkwi

W rjedže duchowneje hudźby w Budyskej tachantskej cyrkwi njedźelu, 2. septembra, we 18 hodź. předstaji sopranistka Daniela Hazec z ansamblom „Ilha Formosa“ – Bettina Witke na wiolinje, Matthias Schella na wioli, Yi Ping Tsai na fagoće a Markus Wolf na cembalu – program z twórbami Händela, Telemanna, Buxtehudeho a Bacha. Wšitcy su wutrobnje přeprošeni.

Wujednać so, hdyž maš chorość a smjerc před wočomaj

Ambulantna hospicna služba Carity přeprošuje wšitkich zajimcow na přednošk k temje „... a potom so zaso znjesemy?“ – wo wujednanju, hdyž maš chorość a smjerc před wočomaj – pónđzelu, 3. septembra, we 18 hodź. w ewangelskej wosadnicy na Angeru/Połčničanskej dróze w Kamjencu. Přednošować budže něhdyša dušepastyrka w Kamjenskej chorowni swjateho Jana, Anne Kruse.

Swjedzeń na putniskim puću

Wšitcy, kotřiž su hižo po Jakubowym puću putnikowali abo kotřiž so z myslu noša, na putnikowanje so podać, su pjatk, 7. septembra, w 19 hodź. přeprošeni do nowoje putniskeje hospody (Pilgerhäusl) Hirschfelde, Kornturgasse. Sobotu, 8. septembra, wotměje so tam na džělu Jakuboweho puća swjedzeń. Za tydzeń podamy nadrobniše informacije.

20 lět Dom biskopa Bena

Smochčanski Dom biskopa Bena woswjeći njedźelu, 9. septembra, swoje 20lětne wobstaće. W 10.30 hodź. budže swójbna Boža mša z emeritowanym biskopom Joachimom Reineltom. Kemšam přizamknu so wšelake poskitki. Swjedženska njedźela zakónči so w 16 hodź. z koncertom Radworskeho chóra Meja.